

ՀԱՇՎԵՏՎՈՒԹՅՈՒՆ

2021թ. սեպտեմբերի 23-ից 25-ը ներառյալ ՀՀ ֆինանսների նախարարի տեղակալ Վահե Հովհաննիսյանի և ՀՀ ֆինանսների նախարարության միջազգային համագործակցության վարչության պետ Արգամ Արամյանի Ռուսաստանի Դաշնություն կատարած գործուղման արդյունքների վերաբերյալ

1. Անուն, ազգանունը՝

Վահե Հովհաննիսյան, Արգամ Արամյան

2. Զբաղեցրած պաշտոնը՝

ՀՀ ֆինանսների նախարարի տեղակալ, ՀՀ ֆինանսների նախարարության միջազգային համագործակցության վարչության պետ

3. Գործուղման վայրը և ժամկետները՝

Քաղաք Մոսկվա, Ռուսաստանի Դաշնություն, 2021թ. սեպտեմբերի 23-ից 25-ը ներառյալ

4. Հրավիրող կողմը՝

ՌԴ ֆինանսների նախարարություն

5. Գործուղման նպատակը՝

Մասնակցություն՝ Կայունացման և զարգացման եվրասիական հիմնադրամի (ԿԶԵՀ, Հիմնադրամ) 2022-2026 տարիների ռազմավարական նստաշրջանին

6. Քննարկված թեմաները՝

ՀՀ ֆինանսների նախարարի տեղակալը և ՀՀ ֆինանսների նախարարության միջազգային համագործակցության վարչության պետը մասնակցել են Կայունացման և զարգացման եվրասիական հիմնադրամի 2022-2026 տարիների ռազմավարական նստաշրջանին:

ԿԶԵՀ ռազմավարական նստաշրջանի ընթացքում Հիմնադրամի գործընկերների կողմից ներկայացվել են ԿԶԵՀ գործունեության առաջնահերթ և հիմնական ռազմավարական

ուղղությունները, քննարկվել են համընդհանուր խնդիրներն ու ռիսկերը, ինչպես նաև Հիմնադրամի բաժնետեր հանդիսացող անդամ երկրների ընդհանուր մոտեցումները Ռազմավարության շրջանակներում ներառվելիք ուղղությունների վերաբերյալ: Նստաշրջանի շրջանակներում անդրադարձ է կատարվել նաև ԿԶԵՀ ռազմավարական պլանավորման հարցերին, Ռազմավարության իրականացման ռեսուրսներին առնչվող ասպեկտներին, ԿԶԵՀ-ի գործառույթների ապահովման նպատակով ֆինանսական միջոցների ընդլայնման հարցերին: Կայացել է մտքերի փոխանակում Հիմնադրամի, կայունացման մեխանիզմի կատարելագործման ու Հիմնադրամի զարգացման գործառութային բաղադրիչի տեսլականի վերաբերյալ, ինչպես նաև այն գործիքների և դրանց կիրառման առկա մեխանիզմների բարելավման վերաբերյալ, որոնց միջոցով Հիմնադրամը ցուցաբերում է աջակցություն և կշարունակի ցուցաբերել անդամ երկրներին:

7. Հանդիպումները, ելույթները, բարձրացված կամ քննարկված հարցերը

Մոսկվա կատարած այցի շրջանակներում ԿԶԵՀ 2022-2026 տարիների ռազմավարական ծրագրի քննարկան սահմաններում ելույթով հանդես է եկել ՀՀ ֆինանսների նախարարի տեղակալ Վահե Հովհաննիսյանը: Ելույթի ընթացքում, ի թիվս այլ հարցերի, կարևորվել է Հիմնադրամի հետ համագործակցության շրջանակներում Հայաստանի և Հիմնադրամի միջև 2022-2024թթ. Ռազմավարությունը, շեշտվել է Հիմնադրամի ընդհանուր Ռազմավարության և երկրային Ռազմավարությունների միջև ներդաշնակության կարևորությունը:

Հանդիպման շրջանակներում՝ քննարկումների համատեքստում, ԿԶԵՀ-ի հիմնական առաքելություններից մեկի՝ անդամ երկրների զարգացմանն աջակցելու հետ կապված նշվեց, որ ներկայումս աճել է անդամ պետությունների պարտքային ծանրաբեռնվածությունը, իսկ այդ պարագայում դժվարանում է զարգացման ծրագրերի իրականացումն ու Հիմնադրամի այդ առաքելության ապահովումը:

Կայունացման գործառույթի վերաբերյալ նշվեց, որ այն պետք է գործի մինչև ճգնաժամերի հաստատումը, և խնդիր կա հակաճգնաժամային ծրագրերի առկայության, դրանց կիրառման մեխանիզմների բարելավման առումով, վաղ կանխարգելման միջոցառումների տեսանկյունից:

Փոխնախարար Վ.Հովհաննիսյանի կողմից առաջարկ հնչեցվեց Ռազմավարության տրամաբանությունը կազմելիս հիմնական շեշտը դնել ոչ միայն գործիքների և միջոցառումների վրա, այլ առավել կարևորել նպատակը, որը Ռազմավարության մեջ պատշաճ կերպով ներկայացված չէ: Նաև միջազգային կառույցների հետ համագործակցության համատեքստում նշվեց, որ անդամ երկրների այս կամ այն խնդրի հանդեպ կառույցի ներսում հաճախ ընկալում է ձևավորվում, թե տվյալ խնդիրը պատկանում է առանձին պետություններին, մինչդեռ այդ խնդիրները պետք է լինեն կառույցների համընդհանուր մտահոգության առարկա, և դրանց լուծման ուղղությամբ համատեղ ջանքեր պետք է գործադրվեն: Միաժամանակ միջազգային կառույցները պետք է առավել շատ ուշադրություն դարձնեն համագործակցության արդյունավետ մեխանիզմների ներդրմանն ու վերջիններիս առկայությանը:

Ընդհանուր հավանության արժանացավ նաև «Թվայնացումը»՝ որպես առանձին ուղղություն Ռազմավարության մեջ ներգրավելու մոտեցումը:

Վ.Հովհաննիսյանի կողմից նաև նշվեց, որ Ռազմավարության նպատակների իմաստով հատկանշական է այն, որ բոլոր աշխատանքները միտված են քաղաքացիների կյանքի որակի բարելավմանը, և այդ կապը պետք է արտահայտվի Ռազմավարության մեջ:

Կարևորվեց նաև Ռազմավարության շրջանակում սոցիալական ոլորտի նշանակությունը և նշվեց, որ Ռազմավարության մեջ վերջինիս արտահայտումը պետք է առավել հստակ լինի:

8. Հանդիպման կամ հավաքի ժամանակ ընդունված որոշումները, պայմանավորվածությունները, ստորագրված փաստաթղթերը

Հիմնադրամի կողմից անդրադարձ կատարվեց Ռազմավարության վերանայման և դրա պարբերականությանն առնչվող հարցերին: Արձանագրվեց, որ ամենամյա վերանայում հնարավոր չէ նախատեսել, սակայն անհրաժեշտ է հաշվի առնել տնտեսական իրավիճակի գլոբալ փոփոխությունները, որոնցով պայմանավորված անհրաժեշտ կլինի վերանայումներ նախաձեռնել: Այդ իմաստով նաև իրավիճակների չնախատեսված, կտրուկ փոփոխությունների համար ֆինանսների նախարարությունների, Հիմնադրամի և Եվրասիական զարգացման բանկի միջև արագ շփումների և արձագանքման մեխանիզմներ պետք է նախատեսվեն:


Պայմանավորվածություն ձեռք բերվեց ֆինանսական ռեսուրսների ներգրավման և այլ ծախսերի ընդլայնման իմաստով Հիմնադրամի կողմից ֆինանսական գնահատականներ կներկայացվեն բաժնետերերին, որոնց կհետևեն համապատասխան քննարկումներ և նոր որոշումներ կկայացվեն: Հիմնադրամի կողմից հաշվի կառնվի վերոնշյալ առաջարկությունը և կտրամադրվի մանրամասն տեղեկատվություն ֆինանսական ռեսուրսների ներգրավման հիմնավորումների և տեղեկատվություն կադրային ռեսուրսների մասով, թե տարեկան քանի հաստիքի ավելացման անհրաժեշտություն կլինի, որոնք կլինեն նրանց զբաղվածության ոլորտները:

Հիմնադրամի կողմից առաջարկվեց ստորագրել արձանագրություն՝ քննարկման արդյունքների վերաբերյալ, մասնավորապես՝ ռազմավարական հիմնական ուղղությունների հաստատման, սակայն անդամ երկրների կողմից նշվեց, որ Ռազմավարության կոնցեպտի մասով, ընդհանուր առմամբ, համաձայնություն կա, սակայն ֆինանսավորման ընդլայնման և գնահատականների մասով հստակեցումներից հետո պետք է քննարկումներ իրականացվեն վերջնական որոշում կայացնելու համար:

Նստաշրջանի ավարտին Վ.Հովհաննիսյանի կողմից առաջարկվել է Հիմնադրամի շրջանակներում հաջորդ նմանատիպ հանդիպումը կազմակերպել Երևանում, ինչն ուրախությամբ ընդունվեց մասնակիցների կողմից:

ՌԴ ֆինանսների նախարարության ներկայացուցիչների հետ քննարկվեցին ՌԴ ՖՆ Գիտահետազոտական ֆինանսական ինստիտուտի հետ ընթացիկ համագործակցության հետագա ընդլայնման, մասնավորապես երկու կողմերից այլ գերատեսչությունների ներգրավվածության վերաբերյալ հարցեր: Անդրադարձ կատարվեց տարբեր միջազգային ֆինանսական կառույցների մասնավորապես Հիմնադրամի, Եվրասիական զարգացման բանկի շրջանակներում փոխգործակցության ակտիվացմանն առնչվող հարցերին: Պայմանավորվածություն է ձեռք բերվել ստորաբաժանումների մակարդակում շփումների հետագա խորացման վերաբերյալ:

9. Ստորագրությունը, ամսաթիվը



28.09.2021թ.